

尚

書

譜

尚書譜卷之三 三之一

旌川梅篤學

東晉偽為安國古文并序傳譜

孔穎達曰晉書皇甫謐傳云姑子外弟梁柳邈得古文尚書故作帝王世紀往往載孔傳五十八篇之書又云晉太保公鄭冲以古文授扶風蘇愉愉字休預預授天水梁柳字洪季季即謐之外弟也季授城陽臧曹字彥始始授郡守子汝南梅願字仲真又為豫章內史遂於前晉奏上其書而施行焉凡二十五篇今列于後

大禹謨 五子之歌 胤征 仲虺之誥 湯誥 伊訓

太甲上 太甲中 太甲下 咸有一德 說命上

說命中 說命下 泰誓上 泰誓中 泰誓下 武成

旅獒 微子之命 蔡仲之命 周官 君陳 畢命

君子 同命

鄒陽鄒季友曰按史記盡引伏生今文書二十八篇及偽泰誓一篇並不引東晉所增諸篇是太史公未見東晉古文明矣然却多引小序雖亡篇之序亦有之是西漢之世自有百篇之序故太史公見之造偽書者亦見之非傳出於東晉也

驚曰鄒氏言史記盡引伏生今文書二十八篇則知今文為孔孟的傳之真本無疑及偽泰誓一篇則知當時泰誓雖偽而實為孔安國之古文無疑並不引東晉所增諸篇則知二十五篇實出於東晉之時既為太史公所未見即為安國所未有無疑此雖敬語而其偽遠近分明歷落如指諸掌可謂善於考究者矣但序乃伏生二十九篇之目與

經同出於壁不惟非傳出於東晉然亦非傳出於安國但
安國取以敬冠各篇云爾鄒氏見固至此而猶未盡也

典刑舜典篇名并外序攝位不稱
帝次大誥次嘉禾次康誥等失考

晉人既偽為得安國古文二十五篇矣又用安國覆出之五
篇又兼用張霸分裂之篇目以合劉向之別錄五十八篇然
後大序於首置孔傳於下使人不得而捫捕其蹤跡今詳列
於後

堯典 舜典 大禹謨 皋陶謨 益稷 禹貢 甘誓

五子之歌 胤征 湯誓 仲虺之誥 湯誥 伊訓

大甲上 大甲中 大甲下 咸有一德 盤庚上

盤庚中 盤庚下 說命上 說命中 說命下

高宗彤日 西伯戡黎 微子 泰誓上 泰誓中

秦誓下 收誓 武成 洪範 旅獒 金縢 大誥
微子之命 康誥 酒誥 梓材 召誥 洛誥 多士
無逸 君奭 蔡仲之命 多方 立政 周官 君陳
顧命 康王之誥 畢命 君牙 冏命 呂刑
文侯之命 費誓 秦誓

以上春秋晉古
文五十八篇

吳大曰伏生得於既髡之後而安國為隸古文特定其所
可知者而一篇之中一簡之內其不可知者蓋不無矣乃
欲以是盡求作書之義其亦可謂難矣而安國所增多之
書今篇目具在皆文從字順非若伏生之書詰屈聲牙至
有不可讀者矣夫四代之書作者不一乃至二人之手而
遂定為二體乎其亦難言矣

吳說亦得但伏生得於既髡後一
失考之甚與于初得為偽矣

朱子曰書凡易讀者皆古文豈有數百年壁藏之中不能損一字者又曰伏生所傳者皆難讀如何伏生偏記其所難而易者全不能記也又曰孔安國書至東晉時方出前此諸儒皆未見可疑之甚又曰書序伏生時無之其文甚弱亦不是前漢人文字只是後漢末人又曰小序決非孔門之舊安國序亦非西漢文章又曰先漢文字重厚今大序格致輕又曰尚書孔安國傳是魏晉間人作託安國為名耳又曰孔傳并序皆不類西京文字氣象與孔叢子同是一手偽書蓋其言多相表裏而訓詁亦多出小爾雅也

識論光明但古文結壁藏於文

臨川吳氏曰漢儒所治不過伏生書及偽泰誓與張霸分
折安國古文十六篇為二十四篇而已二十四篇雖在

辭義兼鄙不足取重於世以售其欺及梅賾二十五篇
書出則傳記所引書語注家指為逸書者收拾無遺既有
證驗而其言悉近於理比先漢古文邈絕矣析伏生書二
十八篇而為三十三篇以析出之書通為五十八篇并書
序一篇凡五十九篇有孔安國傳及序上冒共王策孔宅
所遜世遂以為真孔壁所藏也唐初諸儒從而為之疏義
自是以後漢世大小夏侯歐陽氏所傳尚書止有二十九
篇者廢不復行惟此孔傳五十八篇孤行於世伏氏書既
與梅賾所增渾淆誰復能得竊嘗讀伏生書雖難盡通然
辭義古奧其為上古之書無疑梅賾所增二十五篇體製
如出一手采緝補綴雖無一字無所本而平緩平弱殊不
類先漢以前之文夫千年古書至晚乃出字書畧無脫誤

文勢畧無齟齬不亦大可疑乎夫以吳氏及朱子所疑者如此顧澄何人敢質斯而斷斷然不敢信此二十五篇之書為古書則是非之心不可得而昧也故今以此二十五篇自為卷帙以別於伏氏之書而小序各冠篇首者復合為一以真其後孔氏序亦并附焉而因及其可疑非澄之私言也聞之先儒云爾

後傳但稱明所增合小序實古文後考之未得通順故

也失者

舊曰晉人知安國古文所以見黜於大儒以其怪漏而已故盡力而避此而端以取悅於儒者儒者亦以二端之近理而即信之不疑殊不知安國之失不可勝計晉人皆未之能避也造為古文欲以壓今文而勝之不從周之文則陷先祖於為下而倍之罪故古文非聖人之成憲其失

也復出數篇欲以著今文之差遺不知全篇之文勢若
熊羆血脉流通一裂取之銜決首尾乖謬血脉非復本真
矣其失二也史稱古文十餘篇歆固亦云十六篇至張霸
遂分為二十四篇劉向別錄因為五十八篇其失三也史
言孔氏有古文安國以今文讀之固以起其家哀帝時劉
歆創為為魯共王壞宅所得其失四也所造古文語涉怪
神又肅鄙陋控捥垂後其失五也他如偽作大禹謨篇私
增序文三首辭句變易文字更改皆安國之失也晉人力
去怪言旁蒐諸引逃難之志焉矣仍用古文難乎免於安
國之一失復出數篇難乎免於安國之二失歆攘後果之
別錄錯認為安國之本真又難免於張霸劉向之三失也
冒稱共王之還書不知其為晚世之託辭又難乎免於劉

歆之四失也凡此四失有一於此便不可謂之聖經況四失兼備尚可與伏生正經同流傳於無極哉聖經本無大禹謨而改作之失矣聖序偽增三首而蹈襲之失矣辭句不當變易而失之變易文字不常更改而失之更改若夫以天子禪位之大事俯綴於人臣進謨之篇中奉命徂征逆命輟班聲呼天子之太上父頑並苗頑以論量是乃後世強臣跋扈之不軌決非盛世揖遜之氣象吳氏以文分二體斷其偽朱子以前此諸儒未見甚其疑草廬先生以采緝補綴平緩卑弱次其非則秀之亂苗紫之奪朱愿之賊德有甚於怪神說漏之可惡者則又安能免於馬季長所譏彈之失哉用是觀之西漢古文固莫掩其偽而見黜於前東晉古文往往皆西漢古文之覆轍也又安能

偽之偽者而遂信為夫子之經哉

鄭冲受誣

梅願受古文於臧曹曹受於梁柳柳受於蘇愉愉受於鄭冲儒有難之者曰冲又受之何人哉此言固足以窮其詐矣然又未悉其受誣之情也何晏之集解論語也與鄭冲同進集解於朝其解書云孝乎惟孝友於兄弟章引邑曰孝乎惟孝美大孝之解也冲晏若見古文君陳篇則必曰君陳篇無此二字包說非是今不然是冲未見君陳也内史過曰其在湯誓余一人有罪無以萬夫萬夫有罪在余一人墨子亦曰此湯誓文今在湯誥篇冲不言可見冲未見湯誥也至亂臣十人不言泰誓文舜亦以命禹不言上有增加冲之未見二十五篇古文明白如此而曰鄭冲以

古文傳之蘇愉且冲樞力十倍梅顓冲既有古文何不就上施行不亦厚誣哉冲愉既誣愉柳之誣從可知矣然則柳受之謚而授之曹也又何疑乎

皇甫謐不與受古文

知古文之深者莫如皇甫謐其作帝王世紀往往載孔傳五十八篇之書今詳古文之授受而謐獨不與焉是其間必有大委曲者矣任授受則人疑已作而書以人輕矣不任授受則人不知為已作而上冒安國之古文斯書之行遠矣此其曲折之深意也謐傳云姑子外弟梁柳遵得古文尚書故作帝王世紀則世紀乃古文之羽翼也冲愉柳無能為羽翼者詳著其授受謐深知古文者獨不任授受因其不任授受是以知其乃作古文者也冲愉未見古

假以當姚方興誣以授愉柳耳冲權力十倍於顯果
文當自陳朝何待柳授之曹頤於以獻上而施行乎則柳
果何從而受也哉謠言姑子外弟梁柳邊行古文者倒言
之耳因其倒言是以知古文柳得之於皇甫謐者也學者
知西漢古文出孔安國之手筆而非夫子之正經知東晉
之古文出皇甫謐之手筆而非安國之古則千年不決之
公案一旦而昭如笑

帝王世紀

顧氏引帝王世紀云神農母曰女登有神龍首感女登而
生炎帝人身牛首黃帝母曰附寶見大電光繞北斗樞星
附寶感而懷孕二十四月而生黃帝曰角龍顏少昊金天
氏母曰女節有星如虹下流意感而生少昊顓頊母曰景

僕昌正妃謂之女樞有星貫月如虹感女樞於幽房之宮
而生顓頊堯母曰慶都觀河過赤龍晦然陰氣感而有孕
十四月而生堯又云舜母曰握登見大虹感而生舜語曰
侏儒觀一節今書此一節亦可見謚之蒐奇別異談淵探
隱與他人異矣孔穎達引謚傳云外弟梁柳邊得古文尚
書故作帝王世紀往往載孔傳五十八篇之書想其全書
必孔竅其門機括撮拈根株悉尋謚之心迹著矣不然何
為往往載孔傳邪自漢三國西晉人未道及孔傳一字況
為五十八篇作世紀一書乎二十五篇之古文成矣大序
作矣五十八篇之專修矣恐人不得其門而入不知奇趣
之攸歸故不得已而作世紀也儕之聖經可以高尚其業
托之聖裔可以實據其跡翼之世紀所以微露其情

蓋遮其將能乎嗟夫以彼才識加之力學潛心於經書
湛思味古之耽闢所未及貫穿上下成一家言庶幾哉於
漢之儒可與衡賈馬鄭並驅矣不知出此顧乃歆飭願鍾
殘毒聖經免胄趨乘裂毀冠冕君子眎之如見肺肝謂之
智則吾不知之矣謚言放勳重華文命是堯舜禹之名與
傳微異言有危與夏同姓與傳同言孟子謂湯居亳與葛
為隣葛即梁國寧陵縣之葛鄉亳乃梁國穀熟縣鄭氏謂
毫即偃師偃師去寧陵八百餘里安能使亳衆往為葛耕
乎是其考究亦頗近理然則其微異與傳者蓋亦不任授
受古文倒言受古文於梁柳之意又異而不害其為同也
歟

尚書譜卷之三

三之二

旌川梅鷲學

二十五篇古文考譜 史漢考

使古文二十五篇若汲冢周書出於魏安釐王冢則吾亦無得而考焉今乃出於東晉皇甫謐之手而冒稱孔安國之古文則其隱顯互見有無相形有不可以一毫移易者矣吾觀仲舒之對策子長之本記孔安國之作傳而李颺采取有司之奏疏而漢武不斥獻於朝而上下信之皆起傳以教人此見西漢古文顯行於武帝之朝也如此張霸分泰誓為三篇以易舜典益稷與序而盤庚亦分出二篇顧命分出康王之志增分文為三十四篇分九共為九篇而增古文為二十四篇劉向因之別錄為五十八篇此見先漢古文顯行於昭宣元成之時也如此劉歆創為之

壞孔子宅還聖書以效顰伏生之藏以却人心之從而
所引之泰誓武成不與東晉古文同班固藝文志即采取
向歆父子之書此見先漢古文之顯行於哀平新莽光武
明章之世也如此後漢書安國傳古文授弟子都尉朝庸
譚為古文學永得立尹敏周防蓋豫楊倫丁鴻杜林賈逵
馬融鄭玄則其弟子之世傳古文矣孔僖魯國人自安國
以下世傳古文尚書則其子孫之遞遞相承者矣且曰賈
逵作訓馬融作傳鄭玄注解由是遂顯於世此見先漢古
文顯行於質和桓靈獻帝之世也如此因其顯而謂之有
因其隱而謂之無此觀物之大情也若顯有如此而謂非
當時之有隱無如彼而謂非常時之無則是猶謂仲舒未
嘗對策子長未作本記賈馬初不訓傳鄭氏亦不注解也

其誰信之哉

趙岐注孟子考

天降下民止越厥志注尚書也○湯一征止后来具蘇注二篇

之注○若藥不瞑眩二句注○葛伯仇餉注尚書○僕我

后二句注○太誓曰我武惟揚止有光注太誓古尚書也

此武注○周武之時注○尚書太誓後得注○堯學注○洛水警余

尚書注○周公相武王誅紂伐奄注○丕顯哉文王

止無缺注○帝使其子九男二女注○丕顯哉文王

九百二十篇注○欲常常而止有庫注○太誓

祇載見止允若注○允典曰止八音注○太誓

曰天視二句注○伊訓曰天誅造二句注○康

誥白殺越人止不敵注

趙岐東漢質和時人凡引二十五篇古文者岐皆以爲正篇惟太誓則曰古尚書百二十篇時泰誓也今泰誓後得以充學故不與古尚書同言未焚書以前百二十篇古泰誓則有所引之書今泰誓出焚書後多有缺誤故所引書不在非謂晉泰誓爲百二十篇也岐謂今泰誓者即董馬有司向歆固暉逋邇相承以傳至於岐者也安國古文之傳昭昭如此晉古文皆出於岐後岐未之見皆以爲逸篇况孔安國又先於岐二百餘年前岐所不見而謂安國有之且作大序傳可乎又盡信書一節岐注云經有所言事時或過實豈可案文而皆信之哉武成明言武王誅紂戰鬪殺人血流舂杵孟子以爲至仁伐至不仁簞食壺漿以迎王師何乃至於血流漂杵乎故吾取武成兩三篇策可

用者耳其過辭則不取之也驚案東晉武成言前徒倒戈
攻於後以北血流漂杵是紂衆自殺之血非武王殺之之
血其言可謂巧矣然上之與湯以下七王德澤相礙中之
與七十萬人同矢牧野相礙下之與洛邑頑民始終不忍
叛殷相礙果曰忍紂而開周則齊鮮甲以降周使紂為獨
夫速殛乎太白之下深足以償其恨犯矣何至自相屠戮
使無辜黨與什什伍伍肝腦塗野土獨何心哉故晉人造
語雖以便辭呈技而其立言無法最乖情理之正豈若趙
岐之汪平正無礙甚得孟子口氣私意杜撰之書既非孟
子所見之文而其言且以居周初致孟子為不通文理之
讀書誤認紂衆自殺以為武王虐殺何其悖哉趙岐所不
見安國所無有孟子所悖馳而儒者猶曰真古文噫嘻

甚矣聊舉一節如此餘足悉辨也

鄭康成禮記注考

向書傳曰百里之國二十二之郊七十里之國九里之郊五

十里之國三里之郊此小學大學殷之制漢書伏生作尚書大傳三萬言悉按

伏生以大傳授是錯是矣何待正高間傳牧之野武王之大事也既事而退柴

於上帝祈於杜設奠於牧室宗新喪告天地及先○遂率

天下諸侯執豆籩駿奔走追王太王王季父王季歷文王昌不

以卑臨尊王季歷於殷諸侯為諸侯也文王稱○學記兪命曰

念終始典於學求而得之說命三篇在尚書今亡○兪命曰

教學半說言當學人乃○兪命曰敬遜務時敏厥修乃來○

文王世子兪命曰念終始典於學兪命為說命書篇名○

坊記君臣曰爾有嘉謨止良顯哉君臣蓋周公之子伯禽○

泰誓曰予克紂非予武止予小子無良泰誓周書名篇武王

今泰誓無此章○書云辟不辟泰厥祖辟君也為君不君與

道宜尊嚴○表記太甲曰民非后無能胥以生后非民無以

辟四方太甲湯孫也○緇衣尹吉曰惟尹躬及湯咸有壹德

吉當為告古文告字之誤也尹告伊○君陳曰未見聖止不

克由聖克能也○太甲曰毋越厥命以自覆也若實隣張往

省括於度則擇○兇命曰惟口起羞止省厥躬兇當為說高

也作書以命高○太甲曰天作孽止不可以逭○尹吉曰惟

尹躬天見於西邑夏止相亦惟終尹言亦尹詰也天當為先

始就夏此時就湯矣正意曰鄭不見古文謂是伊尹語成

入太甲序謂成有一德先字據注○君雅曰夏暑雨止惟曰

怨雅書序作牙似借字也○君陳曰出入自爾師虞雅書

同口君奭曰在昔上帝周田觀文王之德其集大命於厥躬
與古公名古文周田觀文王之德作到中初寧王之德今傳
士讀為殿亂勤寧王之德三者皆異古文為是正義曰鄭以
以生所傳歐陽夏所注尚書也蓋今文尚書以衛賈馬所注者
為古文尚書即鄭所注尚書也按鄭實未見東晉古文而宋
晉古文亦作到中初寧王之德又充命曰爵無及惡德止事
神則難

漢儒惟康成殫見洽聞復出一世弟子遍天下耳目明達
可謂無壅矣而凡涉于古文二十五篇者皆以為今亡凡
引泰誓文則曰今泰誓無此章則其篇亡是鄭所傳注者
先漢十六篇古文非東晉二十五篇古文也鄭注到中初
寧王之德曰古文為是正義曰鄭以伏生所傳歐夏所注
為今文尚書以衛賈馬所注者為古文尚書即鄭所注尚
書也鄭之未見東晉古文如此甚明出康成前者曾無一

人一字可當其考信出康成後者亦無一人一字可訂其
未見是東晉之偽書突然而上冒安國之古文者也攝連
不及致思乃曰鄭未見古文故以為今亡噫使穎達同生
鄭世而未見古文將服膺鄭說之不暇豈敢嘲之以為不
然也哉又使其覆根柢焰灼冒昧真知為僭偽不令之
書孰肯捨所當信索所當然以自趨於悖惑之歸哉假令
彼作偽者人品可追古人文辭可通古人義理可擬古人
則但當曰此亦後世之能言者充其造庶幾可與安國等
並驅爭先者可矣豈可徑以東晉之給者真當西漢之聖
孫而遂貪採葺補綴之說深信為聖人之正經其如昧
是非之本心何哉雖然方此人造偽之初既妄肆即與之
想則人品已不正大心術已不光明與吳楚僭王之罪可

歸殊塗但用成主而已矣厥鑒不遠在彼安國今欲復不
泰誓十六篇之顯行如昔時之盛者胡可得哉胡可得哉
所謂其餘不足觀正此是矣辭而闢之可也亂世之姦雄
無一言之幾乎仁終不免乎畏上帝者之不敢不正

韋昭注國語引尚書考

富辰曰書有之曰必有忍也若能有濟也也書○襄王曰豈

敢厭難其耳目心腹以亂百度○單襄公曰先王之令之教

有之曰天道賞善而罰淫故凡我造國無縱匪獎無即恤淫

各守爾典以承天休○單襄子曰歟惡其綱民惡其上書曰

民可近也而不可上也書逸○又言在泰誓曰民之所欲天

必從之今用書泰誓無此言其散亡乎○單襄公曰周晉襄公驩之孫也而

令德孝共吾聞泰誓故曰朕夢協朕卜襲於休祥戎商必克

秦誓代終之誓也

○單穆公曰夏書有之曰閏石和鈞王府則有

也

○伶州鳩曰所以宣養六氣九德也

九德九功之德水火金木土穀正德

利用厚也

○伶州鳩曰武王作殷

云

所以優柔容民也○魯

語陳庭有楷矢貫隼

云

故分陳以肅慎氏之貢○楚語皆

殷武丁能聳其德

云

必交修余毋余棄也

韋昭三國時人其注國語凡引二十五篇古文者以為逸

書是所見者安國十六篇所未見者東晉古文也凡引泰

誓者以為今泰誓無此言其散亡乎是所見者西漢泰誓

所未見者東晉泰誓也以韋昭時所未見而以為孔安國

所親見以韋昭時所未見而已為孔安國時所已有晉人

將誰欺乎以是言之則旅獒說命不啻辨白黑限晝夜之

說命說命說命非楚語說命不啻辨白黑限晝夜之

以白公而誣以攘善猶之可也以夫子而誣以攘善不亦
剽悍禍賊也哉

鄭冲何晏同上論語尔解考

集解序云光祿大夫鄭冲駙馬都尉關内侯何晏等同上

子曰書云孝乎惟孝友於兄弟施於有政包曰孝乎惟孝美

兄弟善於兄弟○武王曰予有亂臣十人馬曰亂○禹吾無間然笑

○辟如為山未成一簣止吾止也黃土麓也宋儒注曰

夫子之言蓋出於此遂使夫子為前襲之人論語為己陳之

說偽古文為後宋之正三國時鄭冲何晏耳目甚短千有餘

年宋儒耳日甚○舜亦以命禹○予小子履止簡在帝心曰

長吁可憐哉○朕躬有罪四句履股湯名此伐桀告天之文也殷家尚白

集解所引孔曰者即安國所作論語傳也乃安國之手筆

也舉安國之手筆為證則晉人將何辭以對書云孝乎章
安國不言君陳篇是未見二十五篇之君陳矣予有亂臣
十人句安國不言泰誓篇是未見二十五篇之泰誓矣禹
吾無間然矣章安國不言惡衣服菲飲食卑宮室為禹謨
之克儉於家盡力乎溝洫為禹謨之克勤於邦是安國未
見二十五篇之大禹謨矣舜亦以命禹章安國不言舜非
但亦以天之歷數在爾躬一語命禹而已而於一言之上
下又益之以十五句非但亦以允執其中一語命禹而已
而於一言之上又益三句非但亦以四海困窮天祿永終
二語命禹而已而舜復以二語之上下益之以十二句在
堯為寂寥乎短章在舜為森容乎大篇是安國尤未見
大禹謨修飾之影響也安國於朕躬有罪四句不言其也

於湯詰是安國入未見二十五篇之湯詰矣他若辟如泰山未成一簣不言其出諸為山九仞功虧一簣為君難為臣不易不言其出諸后之艱厥后臣克艱厥臣惡利口之覆邦家者不言其出于母以利口亂厥官其猶正牆面而立不言出於不學牆面功言令色鮮矣仁友便辟不言其出於巧言令色便辟側媚則其於旅葵周官同命等篇時未之有接於目也若是而謂求晉之古文即安國之古文是政猶以安國之古文即聖人之正經者一律也安國信為古文以亂聖經賴大儒之撝擊如土委地如雲見服矣晉人襲其故智遵其舊轍以為偽之偽者其時得而掄人之耳目惑人之心智哉冲要引孔傳以論語未嘗言二十五篇即安國之古文晉人乃欲誣未見之古文之鄭冲以

為傳授古文之祖師此之謂失其本心或曰冲晏安國皆未
見二十五篇吾子辨之審矣朱子大賢豈苟徇人者而注
孝乎二字為夫子之言曰書之言孝如此則朱子亦非耶
應之曰朱子之明過於鄭僑晉人之欺甚於校人朱子如
子產曰得其所哉不一而止也古文尚書曰德日新日新
其德時時日新朱子遂釋盤銘為自新今人遂以新字替
無當於民堅執親字牢不可破受校人之欺一也曰雖收
放心閑之惟艱而襲孟子而不識孟子上文乃放人之比
正猶舍路乃舍義之比遂使程朱誤信剪裁上文而曰聖
賢千言萬語只是欲人各已放之心約之使反復入心來
受校人之欺二也曰為山九仞功虧一簣論語注辟如為
山章曰夫子之言蓋出於此不知夫子有辟如二字而彼

無之是彼之竊此正猶其猶正牆面而立書約曰不學禮
面此有其猶二字而彼無之者同也將以詐居三代上雖
夫子亦受攘善之屈矣校人之欺三也君陳篇上竊國
語令德孝共之句下葺論語惟孝友於兄弟之語因重複
太甚偶脫孝乎二字遂注為書之言孝假令同生包咸之
世未見君陳之文必不敢即以孝乎為夫子之言自古引
書云書曰之下而又為自己口氣者恒少故也如書云高
宗諒陰若於高宗點句則不通矣使朱子無據古文而欲
異諸注必曰包氏等以孝乎惟孝為句未知孰是非然必
曰其義亦通非然則曰其義非是必不如今之寂無一語
也寂無一語者挾君陳篇以自信故耳受校人之欺四也
其他若此猶多今不盡舉也

杜元凱注左傳引尚書考

桓十一年開康曰師克在和不在衆商周之不敢君之所聞

也杜注曰武王有亂臣十人討有德兆夷人今按漢初○夏左傳未行北齊未見古文而古文書蓋左傳及杜注○夏

書曰臯陶邁種德杜注逸德乃降此句亦古文陽從下句今

按金縢之藏○僖五年宮之奇曰鬼神非人實親惟德是依

故周書曰皇天無親惟德是輔杜注逸書疏曰蔡又曰泰稷

非馨明德惟馨注逸書疏又曰氏不易物惟德繫物疏注逸書

文故以爲述書○僖七年管仲曰諸侯官受方物○僖十二

年王曰舅氏余嘉乃勲應乃懿德謂督不忘往戡乃職無逆

朕命○狐突曰周書有之○大明服注周書○僖二十四年

夏書曰地平天成稱也注夏書逸書也正義○趙衰曰夏書

曰賦納以言三句注尚書度○成二年滅宣叔曰泰誓所謂

商兆民離周十人同者衆也杜注泰○成六年樂武子曰聖

人與衆同欲故能濟事商書曰三人占從二人衆故也注洪

在周書○成十八年單子注夏書曰怨豈在明不見是圖注

書○文七年卻缺引夏書曰注逸戒之用休董之用威勸之

以九歌俘勿壞九功之德皆可歌也謂之九歌六府三事謂

之九功正義曰此度書○襄四年魏絳引夏訓有之曰有

后羿注夏訓有之注夏書曰五子之歌注曰厥之注言非注有

之方衰也注后羿自鉏遷於窮石因憂民以伐夏政恃其射也

不脩民事而淫於原獸寒浞惡弄其民而虞羿於田取其國

家羿猶不伐家衆殺而烹之注浞使子澆滅斟灌斟尋氏處澆

於過處經於戈靡自有焉氏注二國之墟以滅澆而立少康

少康滅澆於過滅豷於戈有窮由是亡初未嘗言太康之田

也晉人據取后羿之田以為太康之田又據取魏絳有窮后

羿之句以為距太康於河觀字甲之錢亦言夷羿○襄五年

而不言太康祭沉乃營序之無所發明不亦傾乎○襄五年

夏書曰成允成功注大禹謨之文○襄十一年魏絳引書曰

居安思危

注遠

思則有脩有脩無患○襄十四年師曠曰故

夏書云

道人以

不錚錚於路注官師相規工執藝事以諫正義

杜北在清征之篇

杜未見古文故

○中行獻子曰仲虺有言曰亡者侮之亂

者取推亡固存國之道也

杜仲虺湯左相正義曰仲虺之語云

亡者取推亡固存國之道也杜仲虺湯左相正義曰仲虺之語云

乃其昌○二十一年北宮文子曰周書數文王之德注曰大

文不同

國畏其力小國懷其德正義○滅武仲引夏書曰

念茲在茲

注

茲在茲云惟帝念功正義○宣子

曰詩曰惠我無疆

二書聖有謨訓明徵定保

注遠書正義曰

杜未見

古文

○二十三年仲尼曰滅文仲不容於魯國抑有由也

你不順而施不怨也

夏書

念茲在茲順事恕施也注○

襄二十五年太叔文子曰君子之行思其終也思其復也

書

曰慎始而敬終終以不困注○二十六

年蔡子

注

尚書蔡仲之命○二十六

年蔡子

注

尚書蔡仲之命○二十六

引夏書曰與其殺不辜寧失不經注逸書也正義曰○二十

七年叔孫曰服美不稱必以惡終畢命改此文曰服美於○

二十八年叔孫穆子曰武二有亂臣十人正義尚書○二十

九年季札見舞韶獲者曰聖人之弘也猶有慚德○三十年

子皮曰仲虺之志云亂者取之亡者侮之推亡固存國之利

也○三十一年穆叔曰泰誓云民之所欲天必從之注云今

誓亦無此文故諸儒疑之正義曰今尚書泰誓謂漢書

泰誓近非本經○昭公元年泰誓曰民之所欲天必從之亦注

謂逸書○太叔曰周公殺管叔而祭蔡叔蔡叔尚書蔡仲之命○六

年叔向曰楚辟我衷若何效辟書曰聖作則逸書○七年楚茅

尹無宇曰昔武王數紂之罪以告諸侯曰紂為天下通逃主

萃淵藪疏曰此在尚書武成篇○史朝見成子告之夢協筮襲于夢武

王所用也此外傳云亦皆曰朕夢協朕卜襲於休祥我商必克

○定公元年士伯曰啓寵納侮其是之謂矣正義曰今尚書

杜未見也○昭九年子皮曰非知之實難將在行之正義曰此語則

此言出子皮下文又云書曰欲敗度縱敗禮我之謂矣注述

義曰尚書太甲篇舊曰子皮上文若實出於說命則亦有書

日二字之不廢說命而敬太甲矣孔氏不曰晉人累子皮以

造說明杜氏云此出後意何其死黨焉書那且直言太甲所以

不肯因聖而○十二年子華曰是能讀三墳五典八索九邱注

降者我○十四年叔向引夏書曰昏墨賊殺注述書

言書名正義引○十七年季平子引夏書曰辰不集於房注述書

刑人偽尚書序○二十年晏子曰聲亦如味一氣二

夫馳庶人走注述書○二十年晏子曰聲亦如味一氣二

體三類四物五聲六律七音八風九歌九功之德皆可歌也

光曰作事威克其愛雖小必濟此尚言有征云威克厥愛○

哀六年孔子曰楚昭王知大道矣其不失國也宜哉夏書曰

惟彼陶唐帥彼天常注逸言疏此語在尚書五子之下亦微異有此異

方今失其行亂其紀綱乃滅而亡注滅亡謂夏桀也疏古文其行作啟道末句作乃底

滅○哀十八年夏書曰官占惟能蔽志昆命於元龜注逸書也昆後也言當先斷志後用龜也孔疏要書大禹謨○二十

三年知伯以辭伐罪足矣之篇也唯彼能先杜維不見古文其辭亦與孔傳合○二十

三年知伯以辭伐罪足矣

元凱為人性癖所耽而玩者左傳也有通說有長歷用心

愿美書成而人信之號稱武庫杜曰武王有亂臣十人紂

有億兆夷人古文曰受有億兆夷人離心離德予有亂臣

十人同心同德注地平天成逸書也正義曰杜維未見古

文孔傳其義亦不相違注九歌九功之德皆可歌也六府

三事謂之九功六府水火金木土穀三事正德利用厚生也尚書大禹謨盡用此文官占惟能蔽志是命於唐屯杜注因下句昆字照出上文先字非有意改經文能字也古文直用先字代經文能字見當世人情敬服元凱可謂至哉非但敬服元凱而已火災荒罔玉石俱焚等語考之三國志晉書往往有之蒐聚亦云博矣沅州見張靜峰亦言此等語決非似夏之文其見豈不卓哉凡引泰誓不曰漢書則曰今泰誓無此文杜見漢古文未見晉古文也用是觀之墨卿雖不見古文古文畧墨卿之注與當世之書而為之者有矣恐虞和時以此書也然古文之蹈襲不止墨卿而已康成雖不見古文古文畧墨卿之注與當世之書而為之者有矣疑桓靈世有此書也然古文之蹈襲不止

康成而已弘學文和平叔雖不見古文古文畧弘嗣文和平叔之注解與當世之書而為之者有矣疑三國時有此書也然古文之陷襲雖晉之元凱與志書之近出莫不采掇舛紕則其歲時之限倬有畛域決不可推之西晉決不可推之三國決不可推之兩漢況隄菟之泰誓博易顯行之泰誓二十五篇之古文然化十六篇之古文與年之安國遠充漢初之安國何異兒戲之所為哉以為文和所授則文和實未見以為休預洪季彥始所授則三人皆無聞不宜與文和同受誣以為仲真所創而仲真乃獻書於朝者耳然則士安雖有喙長三尺亦靡得而遁其情者矣

古文株根削拙譜

歷考西晉以上諸儒皆未見古文則古文東晉時方出可

疑之甚者朱子之言信而有徵矣然後乃敢連其根株而
悉剗掘之一曰充造化之由論語堯曰篇可以增加敷衍
荀卿道經之言可以發明執中淮南子舞舞干羽而階席
有苗格可以見文教之敷滅文仲引念茲在茲至念功卻
缺引戒之用休至府三事垂萬成允一句與其穀不辜二
句皋陶邁種德二句此造作大禹謨之由國語夏書白
一人三失怨豈在明單子曰位於一人之下而求掩其上
夏訓曰有窮后羿可撥羿田指太康惡而曰皇祖有訓憂
需惟彼陶唐至乃滅而亡又單穆公引憂書闕石二句此
造五子之歌之由師曠引憂書道人至藝事以諫太史引
憂書曰衣不集於房至庶人走矣公子光曰作威克二句
三國志晉書火災荒罔二句此造作隋征之由季札曰聖

人之弘也猶有慚德公孫僑曰以為口實王孫圉曰以寡
君為口實中行獻子隨武子皆引仲虺之言叔游曰惡且
醜正二句孟子萬伯仇楚莊王引中歸之言表記慎始
敬終仲孫湫親有禮二句此造仲虺之語之由夫左曰天
降衷於吳周語單子曰先王之令有之天道賞善而罰淫
至以承天休論語帝臣不蔽至無以萬方此造作湯誥之
由漢律歷志商十二月己丑朔旦冬至荀子從命而不師
為上則明為下則遜論語不求脩於一人班彪見善如不
及用人惟由己從諫如順流此造作伊訓之由緇衣尹吉
自周有終至泰厥祖無越厥命二句若虞機張云云公孫
丑曰予不狎於不順國語衆非元后四句子皮曰欲敗度
二句孟子緇衣皆引天作孽四句宮之奇曰皇天無親云

中庸辟如行遠二句此造太甲之由詩曰天難諶斯天命靡常尹吉曰惟尹躬二句荀慎終如始終始如二呂氏春秋曰五世之廟可以觀德萬夫之長可以觀政此造作成有一德之由楚語白公子張曰昔殷武丁能蓺其德云

云至厥足用傷墨子尚同篇曰夫建邦設都云先命惟

口起蓋至省厥躬爵罔及惡德至事神則難子皮曰非知

之難二句國語若作酒醴至罔于禁此造作說命之由左

傳民之所欲二句國語朕夢協朕卜三句孟子我武惟揚

至於湯有光荀子獨夫受禮記子克紂至小子無良史記

載紂之惡孟子天降下民至越厥志傳曰武王有亂臣十

人紂有億兆夷人朕夢協三句于太叔曰素同即異是謂

離德滅宣叔曰太誓所謂商兆民離周十人其弘曰紂有

德非美人亦有離德予有亂臣十人同心同德孟子天
視自我民視二句無畏寧爾至若崩厥角此造作泰誓之
由律歷志惟一月壬辰旁死霸若翼日癸巳武王乃朝步
自周于征伐紂樂記馬散之華山之陽牛散之桃林之野
大傳既事而退柴於上帝祈於社設奠於牧室天下諸侯
執豆蓬駿奔走追王太王王季文王北宮文子曰周書數
文王之德曰大邦畏其力二句茅尹無字曰紂為天下
逃二句孟子有伐不為臣東征至大邑周此造作武成之
由孔安國旅獒馬鄭皆讀作作首豪之豪國人遺其首豪
來獻見於周穎達訊之曰良由不見古文妄為此說伊尼
對陳人問隼曰肯武王克商通道於九夷八蠻至故分陳
以肅慎氏之貢晉人移仲尼之言為召公之言良謫矣不

覺使仲尼為伯宗之媒善獨不惕然於心乎此造作旅焚
之由望武子曰宋先代之後也於周為客至有喪拜焉王
曰舅氏余嘉乃勲至無逆朕命仲尼且見抹其何有子襄
王命管仲之言此造作微子之命之由祝佗曰蔡仲改行
率德子太叔曰周公殺管叔而蔡蔡叔傳曰爾尚羞前人
之愆宮之奇引望天無親二句太叔文子曰慎始而謹終
終以不困此造作蔡仲之命之由河間獻王所得周官五
篇冬官多散於五官之篇實未全亡以考工記補之則非
笑文王世子三公官不必脩惟其人孤在卿大夫之上可
當三少之名此造作周官之由宮之奇曰黍稷非馨二句
緇衣出入自爾師虞二句坊記汝有嘉謀嘉猷至惟良類
哉文王世子公曰有之云云又曰在辟此造作君陳之由

漢書杜志康王革命豐刑曰惟十有二年六月丙午肅王
命作丹書豐刑叔孫曰服美不稱心以惡終孟子曰收其
放心此造作革命之由也熒衣君雅曰夏暑雨至曰怨咨老
子曰國難於其易孟子至顯哉文王謨至正無缺然未明
言君雅篇此造作君雅之由孟子曰左右前後皆薛居州
惟大人為能格君心之非史老引武丁曰必交脩于無事
棄也楚語引衛武公曰朝夕交戒我賈子曰選天下之所
士左右前後皆正人此造作罔命之由無所由則無可以
發其獨智無可以發其獨智則無可以行之簡策故其他
正經之目無所由者皆冥之寂然不復造作○二曰訂禹
謨之偽典曰堯貢曰禹非有美大之美文也豈有人臣陳
謨帝前而尊稱之曰大禹孟子曰禹聞善言則拜大舜有

大禹明是取大舜之大加諸禹之上而不知其為不敬此
倣上階例單克惣為名篇之疵知人安民皋之謨也母若
丹朱倣禹之謨也統曰皋陶謨以其長也安得又有所謂
大禹謨哉耕野王氏曰大禹謨篇明是重美此妄增之疵
因為偽增無序遂闕入大禹二字於皋陶矢厥謨之下此
紊序之疵堯典終篇是典皋陶終篇是謨甘湯泰牧皆
終篇是謨典謨誓錯雜無章者非經體也始謨之終典之
終誓之此紊體之疵禹以九功之德皆可歌然陳於帝帝
以平成允治萬世永賴歸功於禹謨不謨矣眎皋陶為何
如不矜不伐爭功爭能述德經之言也取以加諸堯言天
之歷數在爾躬之上人心道心亦道經之言也取以加諸
堯言凡之厥中之上衆非元后何戴二句內史過引要書

之也取以加諸堯言四海困窮天祿永終之上與不與
矣朕堯典為何如君命征臣徂征而不知勢必出於逆命
茫無定笑非好謀而成之道也誓不誓矣朕甘湯泰牧為
何如謀不謀與不與誓不誓也為反易之疵為天下得人
何關於出好與我明是躁人之辭此不辭之疵多堯之讓
位舜不請卜明是為昆命元龜張本此擬拾之疵既曰不
矜不伐矣益猶戒之以受益之謙招損之滿此衝決之疵
既曰四方風動從欲以治矣而苗格猶待於文教之誕敷
兩階之干舞此乖刺之疵堯典曰父頑皋陶曰苗頑因蒐
孟子之書入於篇內則擬人不以其倫矣此慢上之疵堯
上位岳大臣呼督子為宜舜天子督太上禹益督以臣子
而呼督允若乃大不恭此非臣之疵恭帝命

中疑期倦於勦獨夫紂乃爾世仇益憤於禹帝初於歷山
往於田初征自葛虿仇寧執非敵厥角若崩無輕民事惟
艱凡此蹈襲乎孟子者也其曰好問建中於民懋昭大德
終累大德文王武王敷大德克受厥命若升高必自下若
陟遐必自迺太王肇基王季其勤王家嗣守遺緒纘乃舊
服凡此皆蹈襲乎中庸者也其曰人心惟危道心惟危

精惟一能自得師者王謂人莫己若者亡好問則裕自田
則小慎終如始爵固則惡德罪人以族官人以世以義制
事先時者殺無赦不及時者殺無赦推賢讓能庶官乃和
凡此皆蹈襲乎荀子者也左傳國語史記漢書各見辨正
茲不勝載至其閃姦打訛不遺纖小曰潯哲溫恭允塞方
懋和永弗詢濟濟蒸茲六馬萬邦之君厥后明明沉湎於

酒不吹於德厥鑒不遠在彼夏王天鑒厥德用集大命綏
萬邦克有終天難謫命靡常屏棄典刑無載爾偽肇基王
迹建邦啓土九有以亡人履厥德沉亂於酒續而不滅哲
人紂率其旅若林類冢土壹醉脩其禮物明明后表正萬
邦不剛不柔厥德允修文其詩者如此曰冢宰掌
邦治至掌邦土六卿分職各率其屬十二年巡行方岳論
道經水錫巡於路其或不恭邦有常刑政典紀於大帛

旅文其詩襲乎周禮者如此曰文明萬國咸寧允升大猷
滿招損謙受益時乃天道又其詩襲乎周易者如此曰汝
惟不矜四句冬德制治於未亂保邦於未危皆詩襲諸老
子者也曰惟口出好興戎建邦設都云惟以亂民厥罪
惟鈞皆詩襲諸墨子者也曰乃聖乃神乃武乃文七世之

廟可以觀德四句皆猶龍不諸呂氏春秋者也曰玄德舞
干羽於兩階七句有苗格皆猶襲諸淮南子者也至於顯
竊今文之句法曰若稽古帝舜曰若稽古大禹禹拜昌言
曰愈惟汝諧曰明聽哲等可見鼠竊今文之一言兩字微
子命曰稽古周官亦曰稽古反而用之曰無稽單而用之
曰稽於衆堯典首言欽明文思乙其中二字曰文明乙
克讓乙其上二字曰恭允三后協心用呂刑也作賓王家
用虞賓也逸豫用康好逸豫也兩曰時乃功一曰時乃風
命汝翼作股肱心膂改耳目為心膂弘敷五典改敬為和
改教為典曰式曰克曰典曰訓曰時曰惟曰是惟曰乃曰
猷曰猷悉取以為貫文句之上下競競栗栗惟恐失正經
之節俟又其類襲今文者如此○四曰昧用文之式以

論曰孟子之文相乘而用之如為山九仞為山冠諸論語
九仞冠諸孟子功虧一簣又冠諸論語格字冠諸論語非
心冠諸孟子孟子亦自言格君心之非以詩經孟子相乘
承而用之者鬱陶乎余心頗厚有忤怩鬱陶取諸孟子頗
厚取諸詩經下文忤怩又取孟子以古人之文梲脫換字
而用之后克艱厥后臣克艱厥臣梲脫論語文為君難矣
臣不易而以后字換論語之君字以克艱字換論語之
字與不易字也若升高必自下若陟遐必自邇梲脫中庸
之辟如行遠必自邇辟如登高必自卑而以若字換中庸
之辟如字以升字換中庸之登字以陟遐字換中庸之行
遠字也詩曰陟高山陟在嶽周書新陟王豈升高之義
不當用在遐字上欲掩其模倣而不知用字不當律令與

詩書皆馳笑今文惟字在句首者發語解在句中者訓與也古文用作思字意而與正經亦背而馳矣辟如幼子學行十步九蹶○五日昧用韻之法喜起照明良康勝隳墜此古人句句用韻之法要書曰惟彼陶唐有此異方帥彼天常今失其行亂其紀綱乃滅而亡唐方常行綱亡句句用韻乃當時之體如此與喜起等歌皆合觀其乃滅而

之句則知要世之季桀帝之秋故鄭康成杜元凱皆釋什憂桀獨王肅一人疑是要康太康時晉人遂攘取以充入五子之歌脫帥彼天常一句乃此人之故意欲人知古文有脫誤閱左傳然後知之使人不可測知也改乃滅而亡為乃底滅亡者欲以遷就太康時也至於改其行為厥道則此經需用韻之體辟嬰兒之未孩乃欲強作解事自

虛聖九借造聖經而終莫可掩者矣唐宋之儒耳目為之
辟易心知為之遷改靡然從之載為義主方且效忠竭力
之不服而不其卜者王耶亦看劉盆之儔耳是豈晉人
之能欺後儒哉乃後儒自昧其是非之本心○六曰襲古
文之軌先漢古文孔氏有之而安國以今文讀之因以起
其家蓋古文雖未必真然亦必私造於家以欺人自然後
以今文讀而錄之行於世若夫東晉古文私造於家也
以錄書於家獻之於朝也即以錄書於國初未嘗見有古
文之點畫形像也特不過冒稱之言有如斯耳其曰以伏
生之書考論文義定其可知者言漢初之所考定也又曰
為隸古定以竹簡寫之增多伏生二十五篇言漢初之所
寫多也初不言東晉之時曾有如斯也是則造為古文而

以今文行之先漢是也初無古文而冒稱其名者東晉是也
以言乎誣祖行私而陷祖于倍上之歸者其罪均也此
所以襲其故轍而不知避也○七曰沿復出之害正經堯
典裂慎徽以下為舜典使堯為天下得人之仁至二女嬀
有鰥而止故堯典止欽哉若人有首而截尾舜典突慎徽
若人有尾而截首文氣銷縮血脉不貫舞弄聖經有言

戲故舜典裂出非也臯陶謨裂帝曰來禹以下為棄稷已
又改為益稷有若初學作文用字未工修改方妥且明以
欺人承上文禹曰師汝昌言故帝曰來禹汝亦昌言亦者
亦臯陶也裂之則亦字無攸承故益稷裂出又非也盤庚
遷後史缺成篇故子長謂作於小辛時尋章摘句者私意
亦知此有更端必加截斷聖序九共之類浸屬後人私增

故唯及三篇亦非也。顧命初裂王若曰：以下為康王之誥。後復以報誥之辭，不宜分裂。復改自王出在應門之，以下殊不知恤宅宗之內王為父為天子，皆斬衰裳，苴經杖絞帶冠，繩纓菅履。丁卯命作冊，度以後致生成王，以發顧命致死服，不可接致生父。是以設生時之衣之坐之寶之。覬之輅之宿衛于亦斬衰之冠而服祭服之麻冕。變斬衰之服而服祭服之緇裳，及其遂事也。諸侯以吉服見王，亦以吉服報告，皆所以終成王用敬保元子，釗弘濟於艱難，無以釗冒貢於非幾之命也。而非安意以為慶矣。雖受乘黃玉帛之幣，亦曰成王致生之命云爾。釋冕釋纓釋麻冕也。反冠繩纓也。反喪服者，反其恤宅宗時所服斬衰裳。苴經杖絞帶菅履而釋去服裳也。冕言釋不言反繩纓。

喪服言反不言釋黼裳互文也明是一篇文字康王之誥裂出尤非也且不曰裂出而曰復出詆伏生之妄合也何其忍心害理哉此皆安國之覆轍車仆馬斃於前矣謚復談笑循之而不知戒何其巧於逃漏經之難而不巧於逃賊經之難也耶○八曰析百篇之目聖人正經七十七篇而已舜典大禹謨益稷康王之誥孔安國古文所增也

聖經之本真也後又分出九共八篇成文三篇太甲盤庚說命秦誓各二篇共二十三篇總之合百篇元成時張霸之所增也劉向之所用也不惟正經無此分別雖孔安國古文亦無此分析觀九共為十六篇之一篇可知矣今東晉古文不依聖人之正經而遵孔安國之偽增故猶有舜典各一篇不依正經之七十七篇而徇張霸之私分故亦

有九共等二十三篇而為百篇之目是光漢之安國一身
獨為安國者也東晉之偽安國者合安國張霸二人而共
為安國者也偽乎偽者如此而猶謂之聖經也耶或曰大
禹謨非裂出聖經者何以見然曰裂堯典為舜典顧命為
康王誥即私增舜典康王誥之序文此特序以為重欲人
不復合之也旁蒐橫舉造為長篇勒入臯謨序中而不必
贅序此特以為重不患人之不信也故吾以聖經本

而黜之者舜典康王之誥是也以聖序所無而黜之者禹
謨益稷是也於此見聖人之序決不可少也抑恐鄙陋知
安能以及此今及此非聖相其身天牖其衷使之廓清邪
思也乎哉○九曰王肅似見古文孔傳孔穎達自晉時所
出五十八篇及傳說絕無傳者至晉時王肅始似竊見晉

古文及孔傳故注孔其紀綱爲夏太康時顓孫之言云爾
嗚呼顓孫誤甚矣是時古文泯無蹤跡王肅何由而窺是
哉肅恃晉武母舅之尊倚撫儒先不翅敵仇豈有窺見古
文而不誇談示世以任中興復古之績而寂寥簡淡僅吐
出夏太康時四字而已哉細推之乃晉之作古文者窺見
肅意采入五子之歌以湊合一篇耳非肅窺見古文也

也嗟夫顓孫尊崇古文端門孔傳推裂正經附麗偽書指
有旁見側出可援據證者不顧賢否不暇涇渭悉采以張
大古文今盡其所據特王肅一人夏太康時四字何不
反面懲之則朱子英特之論所謂古文東晉時方出前此
諸儒皆未見豈不自顓孫而先得之哉然則局局於棘車
劫目石其亦受命於天一成而不可使拓也哉○十曰冒

共王述書之偽聖人之宅為諸侯王所壞事甚異一宜書
內外曾無一人以乃祖太牢祀孔之意開說共王二宜書
宮室覆壓壞至孔宅觀天者多漢法何不懲治三宜書不
特三宜書而已安國造為古文政宜張共王之事今暗而
不言一可怪孔臧與安國書曰但知二十八篇說者以應
二十八宿不知又有古文安國族人尚不知有古文又不
知出於壁也二可怪且孔氏既藏書當自發之自言之
不待共發書然後知孔氏藏書哉言在子不語中者類行
於世言近理稱為汎落四可怪宜書不書可怪不怪則壞
宅還書之偽斷可笑追其偽所從出乃哀帝時劉歆移書
欲立古文於學造為此偽東漢大儒痛加拮擥則古文
歆偽俱已摧敗矣晉人知所格擊者在古之辭而不在

共王之窟故默化以新辭而仍穴乎舊窟是晉人至此合
二人而為安國者復合劉歆三人而為安矣矣或曰大序
與傳非安國所作乎曰大序若言泰誓十六篇則與史記
董仲舒漢有司向歆固辟融各所言合吾信其出於安國
矣今觀大序之言比伏生書增多二十五篇則非為安國
古文十六篇作乃為東晉古文作以此知其非出於安國
之手也西晉時杜預好左傳盛行大序首引左傳可見其
東晉時出一也甲盤說泰誓取張霸之分託名安國以行
之可見其東晉時_上二也共王壞宅寧取劉歆之說託名安
國_上以行之可見其東晉時出三也大序二十五篇朱子
謂前此諸儒皆所未見傳同時出諸儒豈見之哉大序又
書古又五十八篇悉上送官而向歆父子校理祕書唯見

卷之五 古文無有宋晉古之歷可考考者如前則古文大傳冒稱安國不辨而自明矣

海僭

治古文序傳之偽吾始以魏西門君之婉繼以漢雋大夫之斷使人自覺其非而逆閑其機西門君之婉也不必辨其偽而直蔽以罪雋大夫之斷也何謂使人自覺其非而逆閑其機董仲舒史遷漢有司責安國曰子以恭誓及下六篇認認然日譚於我我以對策天子之庭作周武奉紀陳於奏疏頽而怯其近理之書佚宋晉人而後授之古文二十五篇大序及傳何居安國對曰我書所以得別於謚者賴有大儒良史名大夫之見知耳二三子耳吾言目吾文心吾書乃本吾也尚不能自信我口未盡言之而手未

嘗筆之而書未嘗成之後吾數百年而出是吾假吾也不意
二三子亦為豪傑所劫下同後之蚩蚩固知自為愚為
狂反譏我為欺為怯設有人補增全經妄曰安國更有人
續增易翼亦稱安國若等盡從而信之乎不為我別白者
乎武王將興必有禎祥能招國門之關宋乳王室亂陳恒
執君鬼神德威答宰我問將不雅言何可無也安國哥之
於迹失之於證謚得之於證失之於迹謚書之廢在旋踵
二三子何憂於謚歟固林達歎乎謫曰罔昕夕領領罔識
造偽誤落子度內為子注釋過猶可說教孫升本晉襲故
智世儒望風靡一勁草拂禍之罪不赦謝曰此則安國之
罪也安乎謫謚曰汝託安國序傳增古文二十五篇我中
委曲恤而立我猶未見乃至安國謚頭搶地曰人微地輕

信市安國將以愚乎世之陋者耳何敢欺二子二子注書
凡涉古文曰逸書曰篇亡詎不信哉良久曰然不勝諸我
而張僞成真誠陋儒之罪耳昭冲晏謫曰謫胡越吾疆而
誣安國曰國語注論語解疆界明矣吾何愛於誣將以求
吾古文之行耳預誦曰吾與謫甚近汝古文吾世所未有
而誣安國以先有何狂悖哉曰情狀既露噬臍莫及此以
兩漢三國西晉時致辨使人覺其非而遂開其機也故曰
始以西門君之婉者也何謂不必辨其僞而直蔽以罪也
星星李麟鳳魘所不能無惟似是實非似真實僞在叔
季而謬稱古昔實幽暗而自張高明知足以飾非強足以
濟姦華仕正邪不免聖誅博士通掌之正經矣何使僕故
屬不合不公之流猥以私意造僞書闖入經內使人目眩

心惑古罔今悞聖違天悖謾虞夏欺商周罪焉追諸造古
文之罪三一日生今反古二日自專自用三日不遵同文
堯典削弱之罪八一日氓唐太速二日與虞太早三日堯
讓無實四日吁咈無刑五日蒙得人之仁六日歸擇堯之
私七曰戡誅我之事八曰列殂落之體舜典偽增之罪十
一曰妄增篇名二曰攷攘成篇三曰肩越孟引四曰少取
全經五曰有鯀首擲在外六曰咸薦項刳於前七曰慎將
不知何人八曰詢事不知何帝九曰罪罪終他篇之刑十
曰微庸結他篇之意大禹謨妄造之罪廿有二一日不敬
之罪廿三日借貢之罪三曰卑典之罪四曰闕序之罪五曰
重美之罪六曰紊典之罪七曰紊誓之罪八曰不謨之罪
九曰不典之罪十曰不誓之罪十一曰援老之罪十二曰

擄有之罪十三曰銜決之罪十四曰乘刺之罪十五曰操
 人之罪十六曰張本之罪十七曰不臣之罪十八曰非倫
 之罪十九曰跋扈之罪二十曰抄畧之罪二十一曰叛經
 之罪二十二曰欺罔之罪益稷妄增之罪五十一曰削弱
 陶二曰致攘成篇三曰開入謨序四曰初名棄稷五曰改
 名益稷造五子之歌厥罪惟五一曰拔羿田之非二曰奪
 夏祭之非三曰昧用韻之非四曰改句法之非五曰志
 畧之非造脣征厥罪惟三一曰葺師曠之引二曰葺太史
 之引三曰擬三國志晉書造仲虺誥之罪五一曰慚德製
 季札二曰口實畧僑罔三曰搜尋及獻子四曰冠賊鑿中
 錦五曰包舉至武子造湯誥之罪五一曰天表出義差二
 曰賞善學單子三曰離逃先王之令四曰賜趙論語之言

五曰邀取湯誓之逸造伊訓其罪三一曰味商正朔二曰
吞啗荀子三曰抄勅班彪太甲窮黜之罪六一曰黜衣尹
吉二曰子皮三曰呂之奇四曰公孫丑五曰孟子六曰中
庸咸有一德旁採之罪四一日詩經二曰尹吉三曰荀卿
氏四曰呂氏春秋說命囊括之罪五白公子張墨子尚同
兄命子皮國語改作泰誓并吞之罪六外傳內傳孟子
記荀子史記改作武成席卷之罪五孟子樂記律歷志北
宮文子芋尹無宇安國旅焚讀為象晉人塞國語著于篇
使仲尼有攘善之罪襄王命管仲之言晉人撥入微子之
命使廢王有逆取之罪祝佗子太叔內傳宮之奇太叔文
子湊合以作蔡仲命之罪河間不知冬官散在五官并文
垂世丁加三於孤上以當三少尊畧以作周官之罪宮之

部留不妨記文王世子之失以作君陳之罪劉頌命之罪
與劉堯典臯謨同增康王誥之罪與增舜典大禹益稷同
始分若曰與始名棄稷罪同更以王出在應門外與更
名益稷罪同正經本無棄稷亦無益稷本不分王若曰亦
不分應門外均之擅改聖經罪在不赦率律歷志改中庸
叔孫孟子冠作卑命之罪竊老子稷孟子引書言鈔造君
牙之罪孟子語薛居州史老引武丁楚語賈子福亥造回
命之罪舜典康王之誥偽增首序大禹益稷闕入四字無
非罪也不傾正經之蒙塵深惜僭賊之弗克建武開皇增
舜典篇廿有八字焉既曰稽古帝舜矣又曰協帝帝詢考
考帝殂落是二天子非罪之大乎明文允恭舉堯全德倒
而乙之曰文明恭允為舜矣德帝聞不言八德岳牧但陳

孝行予聞升聞母乃不相當乎孔豈洙二十八字而傳之
孟孟豈洙二十八字而引作堯典不信孔孟真傳而酷好
齊隋偽僭吾不知其何心也夫以孔孟真傳則一篇全為
舜作夫子斷自虞書難名之德因可名善觀二聖至矣中
庸言舜大孝傳言萬善從無不旁通焉崇齊隋偽造昧其
采御說合之弊則濬哲贊予王文明贊九二溫恭咏先氏
允塞美宣王默遺六德而含訕訕豈予之忠厚哉聖筆竊
竊史記^卷平竊老子淮南乃命以位冠伯夷傳無字非據茲
姪人當服墨刑以徇後世顧達曰某人某地偶得伏法未
上某縣縣得方見施行本心猶在蔡沈嫌其太劇分明不
足效已忠愛之心舉而迫言之曰今按古文孔傳有曰若
稽古以下二十八字則聖終離邪辟永塞乃聖門之黃

中亦自朱子之逢蒙紀弓江勝嘆哉凡此皆斥其偽而直
綴以罪使知亂臣子子博義崇信陷溺人心之深難萬世
之後莫得而逃焉故曰繼以雋大夫之斷者此也

尚書譜卷之四 四之一

旌川梅鶯學

舜典篇首二十八字譜

孔穎達曰東晉之初豫章內史梅賾上孔氏傳猶闕舜典自乃命以位已上二十八字世所不傳多用王范之注補之而皆以慎徽以下為舜典之初至齊蕭鸞建武四年吳興姚方興於大航頭得孔氏傳古文舜典亦顧太康中書乃表上之爭未施行方興以罪致戮開皇時購求遺典始得之

鶯曰金陵非曲阜之地航頭無孔子之宅建武非漢帝之年方興非安國其人先漢真孔安國古文無篇首二十八字東晉託為安國古文亦無此二十八字建武四年胡為而忽有此字方興何人胡為而忽獲此語此非方興之罪雖非安國亂之於初皇_帝亂之於中唐儒亂之於終也

素也帝欲異位師錫帝了不解在下曰虞舜帝曰吾其試
哉則慎徽以下正試舜之事受終以下正克讓之事文意
接續無脉貫通固不容妄增一字安國乃裂為舜典兩篇
角立驟而讀慎徽五典茫不知其何人故不得不做堯典
而增也堯有曰若稽古帝堯此亦有曰若稽古帝舜堯有
放勳開端此亦有重華協於帝堯有欽明文思至格于上
下數語此亦有濬哲文明至乃命以位數語然後繼之俱
徽五典庶不至突起而文理可通矣安國若不分裂正經
則此人亦靡得而肆其妄增作俑之罪是在安國雖然無
首突起人必致疑疑則思思則精其返正也有漸此人填
補其闕務以終迷衆志使人無自返正謚也揚其淵此人
濬其壘佐偽之堅是在此人夫岳牧咸薦唯言克諧以孝

齋齋人不格姦而已未始言其升聞以濟哲文明溫恭允
塞也所言非所薦所薦非所聞則雖高士蒼天大含元氣
亦不免與大言而無當虛談而非實矣不從經文而從方
輿之言不考玄王乾文言先民周宣王衆德之采集而服
膺乎而齊之偽且二古文所誦習士所注釋無慮數千萬
本皆無此文復不之信荒村野俗不知何人所偽存者概
而表章之縱詭隨而無立之操跡是非而無藻鑑之明
固知專心一志於聖經恒懷望風降附於羣賊蓋其心一
傾於邪則動靜語默無適而非邪矣臣賊之罪是在後篇
隋文帝開皇四年購求遺書始得舜典篇首二十八字施行
於世曰若稽古帝舜曰重華協於帝濟哲文明溫恭允塞玄
德升聞乃命以位

天下之事士於真者但育易而易知涉於偽者每巧飾而
莫掩伏生正經已自藏之已自求之又自以教於齊魯之
間何其簡易而易知也若夫孔安國輩之造偽以同諫書
恐不足以驚世也於是以科書之而擅古文之名以非出
壁藏恐不足以取信也於是又造為其王塚宅間鍾鼓
之聲以其書還孔氏而增神異之迹以已生武帝之世恐
不如伏生親見秦皇之焚書親出壁中之藏也於是又造
為老不能正語之說女子傳言教晁錯之說以盡從伏生
之書不見古文之完善也於是又復出五篇之書以見伏
生之短可謂巧於文飾矣然而終不能掩其偽為之跡當
時歐陽夏侯不肯置對明主名臣不立學官後之大儒以
絕無師說格擊不信於是東晉之作偽者又因怪神之不

當道也而悉抄猜言因引書之不當遺也而勉輯無遺
因句法之不相類也而模倣逼真因上世之未顯行也而
曰流落民間以上於梅賾之未久也而引長之以蘇愉鄭
冲又可謂善於安排矣而亦終不能掩其偽偽之跡後之
大儒以分為兩體哂其陋以求晉方士致其疑以平緩平
弱定其體以無一字無所不倚其巢以考據摭補窮其蹤
然齊隋之間唐興之初昧者祇之猶知持起之不可名篇
也則又創為典篇首廿有八字焉其巧似密而益踈其偽
似微而稱顯何者行於隋之開皇而以為得於蕭齊建武
甫齊蓋以方興後蔽之以伏法甫地之以航頭復出之以
購求何其焦然不寧也哉其始耀以古文其次則說以復
出其次則偽為秦晉其次則偽為十六篇其次則削去秦

共與十六篇而偽為二、一篇又其次則於慎徽五典之
上增加二十有八字此可見其相為沿襲而執競作偽者
之次第

尚書譜卷之四 四之二

旌川梅篤學

孔穎達專門孔傳譜

或曰虎璫不擊毘破木眈為無益也吾子尚書譜卷二之中又有二馬皆以排先漢偽秦誓暨十六篇也夫先漢古文至晉已微滅吾子復盡力而排之母乃擊璫虎而眈破毘者乎擒賊者擒王而賊平殺敵者斬將而一降吾子謂之三卷中亦有二所以排東晉古文二十五篇也譜之四卷有四之一所以排南齊姚方興偶見開皇購求方得之二十八字也辨已明矣乃復有四之二獨排唐孔穎達與宋蔡沈母乃欲盡平賊黨而濫及卒伍者乎應之曰非然也晉人以他虎而易安國之虎以他毘而易安國之毘故吾作譜所以深明乎前卷之難已璫矣而實安國之虎不

可以其璽而遂以東晉時之他虎充之也罷雖已破矣而
寔安國之罷不可以其破而遂以東晉時之他罷當之也
云爾吾何為不憚煩而擊璽虎貶破罷也哉唐孔穎達以
前今文自今文古文自古文未至混淆也范蔚宗所述年
長宗登張馴年融王良袒榮皆習今文尚書都尉朝席諱
尹敏蓋豫周防孔僂杜林賈逵馬融鄭玄皆習古文尚書
其辨甚明唐人之作隋經籍志也曰濟南伏生口傳二十
八篇此一

之太甲威又說命泰誓不得行矣今所行者張霸之分析
劉向之別錄皇甫謐冒認以為安國所分者之太威說恭
耳穎達之罪五也先漢古文浸微浸滅而後謐之詐得行
乎其後然前無影響晚乃突出穎達者課畧考究擁偽是
勤扶樹偕竊掠之羽毛恒使正經越在泥塵其罪六也孔
安國為泰誓作傳其手筆也李頤所引是乃明証穎達詆
頤而不知信其罪七也聖序散冠各篇二十有九篇能空
其一賊經酷矣穎達曾不之知其罪八也安國傳論語茫
無片言涉於二十五篇穎達全不之考其罪九也鄭冲集
解論語涉於君陳泰誓湯誥者特相背馳穎達全不之審
其罪十也以漢武脫出之泰誓默充漢定壁出之序篇既
誣伏生更誣古文全無忌心一至於此其罪十一也正經

二十九篇其目見存類上以爲二十九卷安國古文十六篇其目見存類達亦改爲十六卷意以卷字牽合晉人蒙蔽後儒其罪十二也其餘罪狀難以毛舉是其設心注意唯欲壅蔽正經使人皆不知其爲壁出隆重邪僻使人深知其當駢行拔塞本原裂毀冠冕叛逆不忠之罪上通于天黨惡之情慳過首惡貪亂之姦險逾渠魁是以不得而不難獨之也

蔡沉異於曾子譜

夫子沒門弟子欲以所事事有若曾子曰不可江漢以淮之秋陽以暴之皓皓乎不可尚已孟子責陳相辛曰子倍師陳良而學許行亦異於曾子矣子考子朱子大全集尊典之下曰古文有今文合於堯典蔡沉集傳則於其下增

曰今按古文孔傳尚書有曰若稽古以下二十八字斯言也何其慄慄禍賊也哉夫姚方興伏法未上至隋開皇間得施行則此二十八字者必隋唐間好事者所為駕言方興於金陵大航頭得之以解說其至晚乃出之故爾今觀沉所言有若目擊方興得於安國親手交與耳聞安國傳於方興席前而命先漢東晉之歲月在沉之傾刻金陵曲阜之封疆在沉之跬步蔡沉方興安國之冤氣若鮒魚腹魚爲賊魚之飲河鮒魚腹中之水即鮒魚腹中之水鮒魚腹中之水即爲賊魚腹中之水更不分別蔡沉非姚方興方興非孔安國也且臆度共王者先封於魯移封於吳孔氏之宅正業在曲阜別業在航頭漢武時共王既壞曲阜孔宅遷二十九年之古文齊時共王又壞大航頭別業

遷舜典篇首二十八字言力慄慄何其籠罩靡前張虛駕
誕至如是之甚哉故我謂其言之慄慄益以此也言有闕
於一時一事之利害者不足為輕重也伏生為秦博士職
掌先秦之古經必不忍本有二篇無故而合之以為一篇
本有首文無故而刪之以為突出也漢定之時古經出壁
教齊魯者此也傳晁錯此也立學官者此也何有所謂
舜典哉迨孝武時幾乎百年之間安國創為古文以壓今
文之不古復出數篇以昭正經之多謬無非欲古文之顯
售於世耳何有所謂二十八字哉元成間張霸分析二十
三篇都為百篇之目歲月彌久紕繆宣露拮掣者力浸微
浸滅亦未有所謂二十八字也東晉之謚投會乘隙造為
近理之文冒稱安國之本前偽雖傾後偽更昌尚無有所

謂二十八字也齊隋之間點者視之疑其寡完增廿有八字其心畏首畏尾委曲蓋違沉則從而數之曰此非方興之所為乃安國書之本有也非南齊之始出乃漢武世之已然也彼方患於無根解之以伏法沉則指以植根之不援彼方虞於不繼承之以購求沉則示以發源之甚長歲之因去幾至千年航頭一見之外別無他古文注諺遍於天下無慮百千萬本無此文字虛而為盈無而為有沉何其脫空誇詐全無忠信誠懇之實心耶羽翮宵夫之偶得張之於數百年之上幽沉至神之正經擠之於草莽塵埃埃之極是其禍賊豈特關於一時一事之利害耶實有殘帝王萬世之大經大法者兼故我謂其言之禍賊者蓋以此也顧過曰老不肖之言沉亦曰然曰女子傳言教

錯沉亦曰然三來誓後言入伏生書內沉亦曰然嫌其
正經惟恐其不篤權毀聖序惟恐其跌崇重偽書惟恐其
不充不知舜典序康王誥之偽增乃至以冠賊攻冠賊而
不自覺不知魯謨序本非為大禹益稷作乃至以砥砭勦
入夜光之中而不能辨不考成王封伯禽康叔唐叔之
故典綴以周公奉王命之誥謾為武王之誥不考康夏
娛以自樂五子用失乎家術之楚詞妙絳冠辛癸以有窮
后羿之田移為太康之田他若孟子之責梁宇之訓自故
為自恕之義直取其師說之正而不顧毋論其他只堯典
一篇之傳沉或增或減或移先後一矛一盾奚翅十餘處
惜先師之手澤果如是哉我書春秋與齊豹齒

尚書譜卷之五 五之一

旌明梅驚學

尚書纂言譜

吳先生曰伏生故為秦博士焚書時生壁藏之其後兵起流亡漢定生求其書亡數十篇獨得二十八篇以教授於齊魯之間漢魏四百年間諸儒所治不過此耳至晉梅賾始增多主書二十五篇稱為孔子壁中古文鄭冲授之蘇愉愉授於柳柳之內兄皇甫謐從柳得之而柳又以授臧曹曹授頂引奏上其書今考傳記所引古書見於二十五篇之內者如鄭公趙岐韋昭王肅杜預皆指為逸書則是此二十五篇漢魏晉初諸儒皆未之見也故今特出伏生二十八篇如舊為漢儒所傳確然可信者為之纂言

一恢復堯典之三

堯典三篇先漢不存劉為舜典者又荆南年傳二十八字恢復堯典之舊

卷

全

藤梧館

一恢復皋陶謨之正經制大古謨私增及素稷改作

一恢復盤庚之正經制張霸私析為三篇

一恢復顧命之正經制外古文始分王若曰後改王出應

一虞書二篇復而虞壁出之經完先古文五篇廢後古文三篇復素削之虞書復舊

一夏書二篇復而夏壁出之經完先古文二篇廢後古文二篇復素削之夏書復舊

一商書五篇復而商壁出之經完先古文六篇廢後古文十一篇復素削之復舊

一周書十九篇復而周壁出之經完先古文十二篇廢後古文三篇復素削之復舊

焉

以上臨川吳先生復古之功與伏生壁經之功相為首尾
前之諸儒皆不能及特表而出之於右

尚書譜卷之五 五之二

自序

古文出而聖經受裂聖序受誣可為痛哭者三可為流涕者五可為長太息者十泰誓十六篇孔安國古文也自舜典至罔命一時顛行盡惑人心迷而不返者四百餘年來人之醉昏而奪易其耳目心知為聖經之害大矣然鄙而非醉漏而匪備東晉之際而廢棄不行矣二十五篇之上皇甫謐所造也自大禹謨至罔命又有大序及傳因冒稱安國古文受外弟梁柳柳受臧曹曹授梅願獻上而施行焉則近理而亂真矣英才問世誦習靡懈老師宿儒表章於世體分二手文非三古安國且自不終託之將以誰欺舜典篇首二十八字姚才以偶見於航頭之地開皇時購

求得之膠粘瓜台叢葦一諧怪戲薄偽更增偽古文相
繼賊經長此欲以安窮安國挽貌類之陽虎廁之仲尼之
座謚為言行氣象近似之有若事以所事孔子方與假稱
成帝子子興而實乃卜者王郎世無任光邛彤何怪河朔
諸郡望風降附故曰可為哭者三此也夫子堯典一篇
耳割其半以畀舜典使堯有上體而桀斷腰與下體舜有
下體而御棄項與元首夫子皋陶謨一篇耳割其半以畀
棄稷命禹以昌言文氣方承丹改作益稷覺前擬未工夫
子顧命一篇耳割其半以畀康誥誥吉服受釐真得罪名
教釋冕反喪服贊語安承夫子本無舜典康王誥也妄立
二杜撰二序聖序首言皋陶天厥謨也闢入大禹謨西
字焉相承賊聖經安意為之一聞討僭逆辭然不寧故曰

可為流涕者五此也獻首於王安國讀焚為墓為旅底貢
厥焚謚釋焚為大不曰謚盜楷矢石弩之對反曰吾師亦
嘗攘名伯之言云耳為山未成一蕢夫子取譬之言也今
曰本諸為山九仞功虧一蕢則譬如平地雖覆一蕢又本
之古文何篇不為二南其猶正塲面而立夫子由采之古
也今曰本諸不學塲面是取之於古文出之以其樵之口
氣何異於禦也矣謙之象天地人鬼神四句連類而發乃
前無古之句法今曰本諸益而倒用之則滿招變謙受流
時乃地道滿招惡謙受好時乃人道滿招害謙受福時乃
鬼神又得之古文何人乎不矜莫爭誰謂弗謙師謙弗謙
則如降之益詎若此奈何弗察告君不引后克艱厥后而
引人之言觀六哉東晉前二包中晏皆讀孝乎惟孝為句

東晉後始謂之言孝如此君陳篇其隱若儒者之洞庭
彭蠡乎天之歷數在爾躬舜益之十五言允執其中舜益
之三言四海困窮天祿永終舜益之六言今止曰亦以命
禹非沒善哉不矜不伐今見道德經危微稽一今見道德
經衆非元后何戴今見內史過所引無一句無所本哉造
古文者欲攢序以立赤幟故散壁出之序而空之推泰誓
以足壁出之目皆以序為夫子所作而欲擅為已出之功
特以子長書法之嚴故不敢耳亡篇以序而知偽書以序
而辨諸儒莫知妄加倚撫衡之故典與序昭合猶恐異說
豈不妄哉故曰可為長太息者此也其他背理而傷道者
難適以筆記前徒倒戈之血蚬亞聖讀書之不精將二
十五篇之古文點易泰誓十六篇之古文追歎大儒良史

名卿大夫博征羣書者僅見安國之粗凡若此可以類推
矣戶部亞卿陳君儒曰古人若偽夫子何為不刪對曰先
夫子而出者見正於夫子矣三墳五典伯禽唐誥等篇是
也安國古文出漢武世謚文文出典午東方興二十八字
出齊隋間夫子未見安得而刪之哉曰王陽明執古本大
學不從程朱大學今之設科取士猶用程朱定本陽明何
益曰至當惟定於理而已矣曾子引詩書以證者凡有五
新字以此知經文斤字偏傍誤為見字偏傍故曰親當作
新經文三綱八目而曾子引詩書以證者知本知之至與所
所謂誠其意者一章清次在至善二節及明新正於信三
章之上故曰更考經文別為次第於左得天機為諄字秩
天叙於錯簡以證經統傳此乃程朱所以為心得

之妙而彼陽明不過執下之固耳日子之論大學有理對
曰吾之論尚書亦若大學而已矣

自叙譜

竊難其燬始我經術儒熾其姦壞我心術四代之書篇七
十七偕羨盈百或承之辱自齊聖神奧之或聖本本元元
完我聖目作尚書全經目錄譜第一

經熙其美序言其意提綱挈要非相為賜蓋蓋載器驂服
載駟咎單尹旦叱名醒義匪若故訓圖辭蔓概方設居方
別生分類洛汭之頃憂康娛棄魄憂歸毫鳩方之值升陟
至炯句多失墜遷社不可俘厥寶瑞咸湯已往外二仲四
邪相之遷耿圯尤喟營求諸野鼎耳記異十有一年戎殷
殪已十有三年訪道甚勤唐叔歸禾以諷諄也周公嘉禾

以信筮也殷之餘民頑難帥也王命託公鎮以懿也康酒
梓材洪大誥治也君奭將老奄蒲誌也毫姑之契義極致
也分正里居成周地也君牙伯璆岐周是寄也剏頤命半
時以畀也立國於費言首可肆也亡篇之義匪此莫記也
唯覺聖心退以遠也此將有國祇莫覲也作尚書序譜第

二

藏天下道里之與國孰與知帝王經世之大法當秦焚書
侍博士伏生壁虞夏商周之書其所知者大且洽當高祖
入關時蕭相國何收天下與地之圖其所知者小且狹噫
使何也能有伏生之知量高明則夫子之六經必不至於
亡之使生也而得何之位能去其塵垢執纁則足以其主
上如文武之功用明德懷。夾者矣作伏生壁經經譜第

三

知難而藏漢定而求至誠懇列雖危弗休聖經畏我心世
事罹我時羸羸楚強則莫敢我諸發往日所藏如獲我璫
珍時哉哉時不我與謀流離患難脫身跳今來歸自荒
陬惜失亡者多旗壞席脫柁欬楫采不得為完好之乘舟
然永永奕世之下神交堯舜禹湯文武目接華稷單盤周
台若一時同堂合席以相酬烏可不知其所由哉吾以為
豐功茂績當銘彝鼎而祀千秋者矣作伏生得經二十九
篇譜第四

列諸前廿八篇曰經據諸後總一篇曰序經猶靈圖所有
序如圓圖禁籙經猶九獻所奏鈞天帝樂序猶巨目深爪
作其鱗之而紫虛廿有八篇猶易經分二篇也經篇各言

意猶易序卦列後鄭也經猶六經序猶論語始也博士所
貯既也藏於一處終也神所錫予下始弗及經多逸去二
十九篇書法匪紆即教攸及究以封姬青以疆呂安國散
序獨昭衆獲俄空豐黍陳子識陋乃以野次矜礫仰充臣
楹碩礎予甚悼焉母自貽阻作太史脩載序篇譜第五
從周同文爲下不倍陪臣雖聖改玉易代已則爲之亂賊
美慈古文常治誣祖可慨廿有八篇列宿是配聖序殿後
光晶弗曖鬱攸之阨大經猶在古文之阨寓宙憲窮東京
之儒拮掣莫貨殆似有若叱避而退點謚抵隙巧菟冒昧
英材蓋世紛然受夢前偽既奔後僭據內鑒殄眠破匪我
心憤欲發墨守箴盲起廢替之顛行豈減謚愛謚監不逮
在彼前漬我別之鋤掌以類以昭聖經以懲狂悖作孔

安國專治古文譜第六
泰誓譜第七古文十六篇譜

第八安國增序譜第九

安國考免張霸穿鑿分泰誓三篇推入正經之郭易齊典
盜稷序增伏生書為三十四後遂以泰誓即為張霸所作
九共非約九篇霸拓增古文書為二十四後遂以十六篇
亦為張霸所作他若民間所傳河內女子所獻別錄因之
五十八篇是類皆惑誣之所請譜調之托洛至魯矯不克
穿當考之未強墨火乘夜以吐燭繼據狐淫而舞樂矣作
霸向增泰譜第十古文相傳譜第十一季長梧擊譜第十
十二

推怪滿之偽者易為力排近理之偽者難為功孔安國夫
子之苗裔罔知以大孝為孝精忠為忠也知爾森明純犧

之堂不知有明德至誠之隆也秦人噬烜伏生藏七十七篇之經及後序一篇於壁中也漢定求之經亡四十九篇僅得二十八篇聖序亦幸存而不空也太史嚴厥書法曰廿有九篇彷彿乎獲麟之至公也聖子聖孫奉以周旋罔敢墜訑致爽昭假天啓其衷足以上通顯穹而神歆無窮也冬之何悵失亡之多任私智為工也文含箝而反顧篇截首而割終也謀素體而勑入說無師而妄叢也離披為異紛葦為倚雙雙為姦誕因為朦舞智以誣聖張虧而為充也猗儒之鴻濛狼顧伺如土謀然委地蟻笑如雪漣然見覲眩美東晉士安姦罔之雄自矜嘴距俯視群輩築固堅城不懼環攻塹浚深池刀親戰錄機心機警其技十倍於乃翁能方能圓其巧夢和平作俑子所不語安國慘之

力去微言後則龍之諸書所引安國昏之通而開入後則
盤之霸析向別誰能逆驚并作一人樂而不悅故怪固迷
無由後同旆為赤幟恰而弗惘饒窮往質燕石是熒黎老
播棄比謀頑童天王出居于帶尊崇世祖奔渡卜者望風
以聾為昭昭反似盤以晉為明明反似晉呂猶為薰呂費
為芳以朴為璞以丹為漆十有六篇桃虫螫蜂廿有五篇
在東蜂螫虫蜂斃矣時敢指東前之安國已敗厥躬竊名
安國盧胡含龍無論漢晉耦俱斯螫傷我嘉穀憂心有冲
無慮今故均之狄戎猜我華憂勞心忽忽天滔於降曜蔽
於穿數千百年修夜之宮祠析成平以續汨共振我兩曜
以經穹隆作宋晉古文二十五篇譜第十三

位平權輕紛然見憂冲顯於朝言出僉載必不諱攻惕然

置對獻上施行胡不若仲真之慷慨冲於君陳湯諸諸篇
見未之述証之綦厚至今莫泐作鄭冲受証譜第十四

若柳者無能為謚役者也冲愉責之曹頤聞之謚於授受
殊無所益柳孰知不益之益乃古文之宅作謚不與授受
古文譜第十五

先有世紀在冒而後可妙古文之筆鋒袖必長舞則工錢
必多價則贏彼冲愉柳曹頤烏足以從之作帝王世紀譜
第十六

折楊黃鵠聞者嗟然古文於折楊黃鵠駁笑考之史漢史
漢不合考之三國三國不答考之西晉西晉不納唯其無
之是以闕之若或有之則 一作史漢考譜第十七

卿注孟子考第十八 唐注禮記考譜第十九 弘嗣注

國語考譜第二十中安解論語考譜第二十一元凱注左
傳考譜第二十二

歷考兩漢三國西晉之書茫不見蹤跡數視反探乃在典
午渡江之圖僻駕言者冲獻上乃順百世思沛紫謚之亮
既作古文根株譜第二十三

傲乎拾乎我窮其珠駁乎我界之差探溪涉崑追躡
其步良伴令是程匪音諧是謀或改文而勅序或增序而
剗溝析百篇目孔裁霸頭蹈蕭密共協軀王劉以傳安國
其計益偷作根株剗掘譜第二十四

壁出聖經辟如曜靈上帝維神莫保飲厭安國舉舉知劣
挈瓶乃以私知代補亡經勸日之亡明易之以燭螢折北
通跳如屋建瓴蔡亡種類不殖自青典午之果狐集燭腥

託名安國宣減震霆然皆未有篇首之文錯落妖星魑裂
我聖文之洪型於戲本不足以惑人是非意是非之惺惺
乃唐宋之儒不公不寧有懷二心者弗克共聖人之明刑
後人偽得篇首字譜第二十五

僭之彪額達張之僭之戢額達鷄之建武末上額達喪之
開皇禹得額達將之子興之郎額達趨降新室之狂額達
輔元荆楚陸梁乃向戌之妨大戎披攘賈申侯之戕僭阮
孔償額達章章作額達端門孔傳譜第二十六

衣于捫婦翁之殊佞聖心寄舍我伏朕集彼孔枯孔跌謚
沽尊之以航額之狐冠隆疽痛不悟正經萬世之模其心
甚惡其智甚汚其術甚迂其說甚誣有若鄭君為暴籍圖
吐氣如雲為之捐驅君子謂之侏侏作蔡沉異於曾子譜

第二十七

往而廻天行哉經出伏壁竊不能災孔誦終北謚姦以胎
南齊草竊嬰兒未孩專門崇姦竈裔裂開切清煎潔最起
草萊貌回正經登之春臺如掃浮腫如滌塵埃巍巍大園
悔我埏埴作尚書纂言譜第二十八

古文之迭蔽二曜以之不明宵夫之偶得太清為之莫清
奉命也之明哲蕩平復古之功宏矣天穹隆而在上日月
下昭理不羸所闕者額聖經空聖序誤信脫出之泰誓謬
當廿九之法語惟刑謚承政忽三承渡河莫之勝揭不用
命之戮先執妻子以示莫堪用之却誓湯取法乎甘漢南
入洛北沛江來南迴北會耦俱東滙鋪敦推銳漳南莫支
退屯於燕北無清漲南靡濁將三江之名判之以斯疾趨

赴海水不橫披不致壑蘇震澤恬夷一卜王體再卜鄭代
三卜身在國害求終一再無闕啓齋徵之并告乃退文考
受命寧考殪殷乃寡兄最庚辟封分梓材首章達大家以
慎罰後章達王以勅明德垂不机中天下而立是曰明辟
始宅中土新辟奕奕天王臨崩尊揚末命臣致生之顧命
甫更差予小子抱其質直不廢于學夙夜勤力匪若上知
百以一識庶竭愚得以猗猗億作自述譜第二十九
掀經序廿九陽浴咸池暇樽桑以僭敗安國傷僭乎僭謚
未殃僭斯下逮隋唐儒不令縱熾猖勢寧久終必亡纂言
復瑩緝明經翼翼極四方更無邪慝葉萬光

尚書譜五卷明旌川梅氏撰崇以闢古文之偽博考互証不遺餘力間有吹毛求疵失之太苛者文亦傷繁惟其引據史傳原文隨人隨事分類詳列俾後學讀之則尚書一經之源委昭然如指諸掌而古文之為偽可不辨自見矣是足取也余於維揚借得馬氏叢書樓抄本因亟手錄之中多脫簡誤者姑仍其舊俟再得善本校正焉馬氏原抄本計一百三十三頁八行行二十字乙亥長至前數日秀水朱休承識

文記載尚書序譜第五內空三處脫一處

軍不厚願哉細字下空十七字

于成湯時細字上脫去數行

中沃丁之時上空八字

鼎耳而明武之下十八篇中壁藏細字上共字七十一行

十五字

式王本紀條內空一處

安國端治古文古下文體體別上共空四十四行又十三字

古篆根株削掘譜內空處

帝命之中中是期倦於勤之上共空廿二行又五字

八類達篇門孔傳譜內空一處

一之丁之太甲之上共空四十四行又二字

其自序中之次第門目與其書中之次第門目亦不盡合

梅氏旌德人正德癸酉舉人官南京國子助教終鹽課司

提舉